



Broj: 13-11-4-3704/24
Sarajevo, 06.06.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU
o izboru najpovoljnijeg ponuđača

I

Za najpovoljnijeg ponuđača za javnu nabavku radova „LOT 2 – Izvođenje radova na adaptaciji i opremanju sportskog igrališta“, po provedenom postupku javne nabavke putem otvorenog postupka javne nabavke izabran je slijedeći ponuđač:

FLEX INVEST d.o.o. Sarajevo
sa ukupnom cijenom od 113.659,00 KM

(slovima: stotinutrinaesthiljadašeststotinašesdesetdevet i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-3704/24 od 12.04.2024. godine.

Procijenjena vrijednost javne nabavke sa PDV-om je: 113.782,50 KM (slovima: stotinutrinaesthiljadasedamstotinaosamdesetdvije i 50/100 konvertibilne marake).

Obavještenje o javnoj nabavci broj: 935-1-3-77-3-161/24 objavljeno je na Portalu javnih nabavki dana 30.04.2024. godine, te ispravka obavještenja broj: 935-1-3-77-8-177/24 dana 20.05.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 30.05.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	BABEL d.o.o. Sarajevo	113.761,44 KM
2.	FLEX INVEST d.o.o. Sarajevo	113.659,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponuda ponuđača FLEX INVEST d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača BABEL d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom je propisano da je kao Dokument 12 propisano dostavljanje Liste nuđenog materijala i opreme sa priloženim katalogima ili kataloškim listovima.

Ponuđač BABEL d.o.o. Sarajevo je dostavio zahtijevano u sklopu svoje ponude, te je Komisija pristupila pregledu dostavljenih kataloga kako bi potvrdila da dostavljeno odgovara opisima zahtjevnim Listom nuđenih materijala i opreme.

Pod rednim brojem 2 Liste nuđenog materijala i opreme zahtijevano je sljedeće: „*POZ 5.2. Nabavka materijala, dopremanje i ugradnja sportske podloge – meka umjetna trava koja se postavlja na postojeću asfaltnu podlogu koju je, zbog boljeg prijanjanja, potrebno po potrebi sanirati, što je uključeno u jediničnu cijenu stavke. Materijal za travu: polietilen i polipropilensko pređe otporno na UV zračenje Podloga: polipropilenska tkanina, mreža i SBR lateks Visina trave 25mm. Lijepljenje na podlogu po uputi proizvođača.*“

Ponuđač BABEL d.o.o. Sarajevo je dostavio katalog proizvođača HATKO za proizvod NOVA TURF SYSTEM.

Unutar dostavljenog kataloga ne navode se materijali od kojih je sačinjena umjetna trava, te se iz navedenog ne može utvrditi da dostavljeni katalog odgovara zahtijevanom iz opisa Liste nuđenog materijala i opreme.

Pod rednim brojem 3 Liste nuđenom materijala i opreme zahtijevano je sljedeće: „*POZ 5.3.*

PANELNA SPORTSKA OGRADA

Nabavka materijala, varenje i montaža perimetarske, profesionalne, sportske, panelne ograde visine 4100 mm. Ograda je zaštićena toplim cinčanjem. Završna boja zelena.

Tehničke karakteristike elemenata ograde : Paneli dimenzija 2500 x 2030 mm i 2000 x 2030mm, sa debljinom žice 8/8/6 mm I to (duple horizontalne 2 x f 8 mm I vertikalne f 6 mm) sa oknima na panelima 200 x 50 mm, bez pregiba (potpuno ravan panel).

RR stub visine 5000 mm, sa metalnom flah lajsnom izrađenom od inoxa dim. 40 x 2 mm I inox vijcima. Stub je monolitan.

Profil stuba je 120 x 40 x 3 mm.

Stubovi se ugrađuju temeljne stope, po uputama proizvođača, čija je izrada sa svim predradnjama uključena u cijenu. Montaža ogradnih panela se vrši nakon ugradnje stubova na način što se paneli horizontalno preklapaju na stubu jedan prekop drugoga veličine preklopa cca 5 cm i osiguraju flah lajsnom i inox šarafima što garantuje dodatnu stabilnost ograde. U sklopu ograde predvidjeti

jednokrillnu ulaznu kapiju od plastificirane čelične istog materijala predviđenog za sportsku panelnu ogradu. Stubovi kapije ograde se postavljaju na betonsku ploču. Boja antracit.

Ponuđač BABEL d.o.o. Sarajevo je dostavio katalog proizvođača METALOS d.o.o. Kreševo za proizvod SPORTSKA PANEL OGRADA SA FLAHOM.

Unutar dostavljenog kataloga navedena je dimenzija profila stuba – pravokutna cijev 60 x 40 x 1,5 mm, što odstupa od zahtijevanih dimenzija profila stuba 120 x 40 x 3 mm. Također u opisu stavke broj 3 Liste nuđenog materijala i opreme zahtijevano je da je potrebno ponuditi stub visine 5000mm, dok u dostavljenom katalogu nisu naznačene dimenzije visine stuba koji se nudi.

Iz naprijed navedenih razloga, ponuda ponuđača BABEL d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponuđena cijena sa PDV-om
1.	FLEX INVEST d.o.o. Sarajevo	113.659,00 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 113.659,00 KM (slovima: stotintrinaeststotiljadašeststotinašestdesetdevet i 00/100 konvertibilnih maraka) sa PDV-om, te da se ponuđaču FLEX INVEST d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.


Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović



DOSTAVLJENO:

- BABEL d.o.o. Sarajevo

- FLEX INVEST d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

